

# ხელშეკრულება № 95

სახელმწიფო შესყიდვის შესახებ

გამარტივებული შესყიდვა

(მომსახურების ექსკლუზიური შესყიდვა)

ზესტაფონი

20 / აპრილი/2023 წელი

ერთის მხრივ ზესტაფონის მუნიციპალიტეტის მერია წარმოდგენილი მისი მერის ვასილ გველესიანის სახით (შემდგომში - შემსყიდველი) (მისამართი: ქ. ზესტაფონი წერეთლის ქ. N 11) და მეორეს მხრივ საქართველოს ინტელექტ-კლუბი „რა? სად? როდის?“ წარმოდგენილი მისი გენერალური მდივნის თემური ყანჩაველის სახით (მისამართი: ქ. თბილისი, ქიქოძის ქ. N3 შემდგომში - მიმწოდებელი) ვმოქმედებთ რა, საქართველოში მოქმედი კანონმდებლობის შესაბამისად და მათი გათვალისწინებით, საქართველოს კანონის „სახელმწიფო შესყიდვების შესახებ“, ზესტაფონის მუნიციპალიტეტის მერის 13/04/2023 წლის N822. 22231035 ბრძანების, შესყიდვების სააგენტოს თავმჯდომარის 19/04/2023 წლის N1242 განკარგულების და ზესტაფონის მუნიციპალიტეტის მერიის განათლების, კულტურის, ძეგლთა დაცვის, სპორტისა და ახალგაზრდობის საქმეთა სამსახურის უფროსის 11/04/2023 წლის NN04-222310183 მოხსენებითი ბარათის საფუძველზე ვდებთ წინამდებარე ხელშეკრულებას შემდეგზე

## მუხლი 1. გამოყენებული ტერმინების განმარტებები

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების საერთო ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“- პირი, რომელიც ახორციელებს მომსახურების მოწოდებას წინამდებარე ხელშეკრულების ფარგლებში.
- 1.6. „მომსახურება“ - წინამდებარე ხელშეკრულების მე-3 მუხლით გათვალისწინებული შესყიდვის ობიექტი.

## მუხლი 2. ხელშეკრულების საგანი

2.1. ხელშეკრულების საგანია ზესტაფონის მუნიციპალიტეტის ადგილობრივი ბიუჯეტის სახსრებით მომსახურების შესყიდვა წინამდებარე ხელშეკრულებით გათვალისწინებული პირობების შესაბამისად კლასიფიკატორის კოდით: 79900000 (მომსახურების ექსკლუზიური შესყიდვა).

## მუხლი 3. შესყიდვის ობიექტი

3.1. შესყიდვის ობიექტია - 2023 წლის 22 აპრილს ზესტაფონის მუნიციპალიტეტში დაგეგმილი საჯარო სკოლების ჩემპიონატი ინტელექტუალურ თამაშში „რა? სად? როდის?“ – 2023 ჩატარების უზრუნველყოფის მომსახურების შესყიდვა.

## მუხლი 4. ხელშეკრულების საერთო ღირებულება

- 4.1. მომსახურების შესყიდვის ფასი განისაზღვრება ლარებში.
- 4.2. წინამდებარე ხელშეკრულებით გათვალისწინებული მომსახურების შესყიდვის საერთო ღირებულება შეადგენს - **4670 ლარს** მომსახურების გაწევასთან დაკავშირებული ყველა ხარჯისა და გადასახადის ჩათვლით.
- 4.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების

პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### **მუხლი 5. მხარეთა ვალდებულებები**

##### **5.1. შემსყიდველი ვალდებულია:**

ა) მოახდინოს ანგარიშსწორება შემსრულებელთან ხელშეკრულებითა და მისი დანართით გათვალისწინებული პირობებისა და ვადების შესაბამისად;

ბ) უზრუნველყოს გაწეული მომსახურების მიღებისათვის საჭირო პროცედურების განხორციელება.

##### **5.2. შემსყიდველს უფლება აქვს:**

ხელშეკრულების მოქმედების ვადაში, ნებისმიერ დროს, შეამოწმოს ხელშეკრულებით განსაზღვრული მომსახურების პირობების შესრულება, ვადები, მოცულობა და ხარისხი.

##### **5.3. მიმწოდებელი ვალდებულია:**

ა) დროულად, ხარისხიანად და დათქმულ ვადებში გასწიოს ხელშეკრულებით გათვალისწინებული მომსახურება;

ბ) მიმწოდებლის მიერ გაწეული მომსახურება უნდა იყოს მაღალი ხარისხის და უნაკლო.

გ) წერილობითი ფორმით, დროულად, გააფრთხილოს შემსყიდველი, როდესაც არსებობს მისგან დამოუკიდებელი გარემოება, რომელიც საფრთხეს უქმნის ხელშეკრულებით განსაზღვრული რომელიმე მომსახურების დათქმულ ვადებში შესრულებას ან/და შეთანხმებულ ხარისხს, რათა თავიდან იქნეს აცილებული ყოველგვარი შეფერხება მომსახურების მიწოდების პროცესში.

დ) საკუთარი ხარჯებით, დაუყოვნებლივ, უზრუნველყოს შემსყიდველის წარმომადგენლების მიერ გამოვლენილი დეფექტების, ხარვეზების, ნაკლოვანებების, დაგვიანების შემთხვევების აღმოფხვრა, რათა ხელი არ შეეშალოს დაგეგმილი ღონისძიების დათქმულ ვადებში შეთანხმებული ხარისხით ჩატარებას.

##### **5.4. შემსრულებელს უფლება აქვს:**

მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

#### **მუხლი 6. შესყიდვის ობიექტის ხარისხი და გარანტია**

6.1. მიმწოდებელი იღებს ვალდებულებას, რომ მომსახურების ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

6.2. თუ გამოვლენილი იქნება წუნი (ხარვეზი), მიმწოდებელი იღებს ვალდებულებას საკუთარი ხარჯებით უზრუნველყოს აღნიშნული წუნის (ხარვეზი) აღმოფხვრა დაუყოვნებლივ შემსყიდველის მოთხოვნისთანავე.

#### **მუხლი 7. შესყიდვის ობიექტის მიწოდების ვადები და ადგილი**

7.1. მომსახურების ვადა - 2023 წლის 22 აპრილი

7.2. მომსახურების ადგილი – ქ.ზესტაფონი.

#### **მუხლი 8. ხელშეკრულების შესრულების კონტროლი**

8.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების მიწოდების დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

8.2. ინსპექტირებას განახორციელებს ზესტაფონის მუნიციპალიტეტის მერის 2018 წლის 05 მარტის N 43 259 ბრძანებით შექმნილი ინსპექტირების ჯგუფი.

#### **მუხლი 9. შესყიდვის ობიექტის მიღება-ჩაბარების წესი**

9.1. შესყიდვის ობიექტის მიღება ფორმდება მომსახურეობის შესრულების - აქტით, რომელიც დადასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლების ხელმოწერებით.

#### მუხლი 10. ანგარიშსწორების ფორმა, გრაფიკი (ვადები)

10.1. მიმწოდებელთან ანგარიშსწორება განხორციელდება ეროვნულ ვალუტაში – ლარებში.

10.2. წინამდებარე ხელშეკრულებით გათვალისწინებული მომსახურების ღირებულების ანაზღაურება მოხდება უნაღდო ანგარიშსწორებით.

10.3. ანგარიშსწორება მოხდება ფაქტიურად გაწეული მომსახურების მიღება ჩაბარების აქტისა და ანგარიშ-ფაქტურის მიხედვით, სათანადო დოკუმენტაციის წარმოდგენიდან 10 (ათი) სამუშაო დღის განმავლობაში.

#### მუხლი 11. ხელშეკრულების შესრულების შეფერხება და ცვლილებ(ებ)ის შეტანა

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ, მაგრამ სამუშაოს ან/და მომსახურების შესრულების ან/და საქონლის მიწოდების ვადის გასვლამდე არაუგვიანეს 10 დღისა უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, დაუყოვნებლივ, (10 დღიან ვადაში) უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

11.2. ნებისმიერი შეტყობინება, წერილობითი ფორმით, მხარეთა მიერ ხელმოწერილი უნდა გაეგზავნოს მეორე მხარეს და ჩაბარდეს მისამართზე, რომელიც მითითებულია ხელშეკრულებაში.

11.3. თუ რაიმე წინასწარ გაუთვალისწინებელი მიზეზის გამო, წარმოიშობა ხელშეკრულების პირობ(ებ)ის შეცვლის აუცილებლობა, ცვლილებ(ებ)ის შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია, ამ მუხლის „11.1.“ პუნქტის შესაბამისად.

11.4. ნებისმიერი ცვლილება წინამდებარე ხელშეკრულებაში განხორციელდება წერილობითი ფორმით, ორივე მხარის უფლებამოსილი წარმომადგენლების ხელმოწერებით.

11.5. ხელშეკრულების მხარის მიერ წინამდებარე ხელშეკრულებით ნაკისრი რომელიმე ვალდებულების დარღვევა არ ჩაითვლება ბრალეულ დარღვევად, თუ აღნიშნული ვალდებულების შესრულების მიზნით, განსახორციელებელი ქმედება სავალდებულოდ საჭიროებს რომელიმე ადმინისტრაციული ორგანოს მიერ ნებართვის, ლიცენზიის ან თანხმობის გაცემას, მაგრამ ადმინისტრაციული ორგანო არ ახდენს აღნიშნულზე ხელშეკრულების მხარის მოთხოვნის კანონმდებლობით დადგენილ ვადაში განხილვას ან უსაფუძვლოდ უარს ეტყვის ხელშეკრულების მხარეს ნებართვის, ლიცენზიის ან თანხმობის გაცემაზე;

11.6. წინამდებარე მუხლი არ მოიცავს ფორსმაჟორულ გარემოებებს და მათი რეგულირება ხდება სხვა მუხლით.“

#### მუხლი 12. ხელშეკრულების პირობების შეუსრულებლობა (ხელშეკრულების შეწყვეტა )

12.1. ხელშეკრულებით განსაზღვრული პირობების დარღვევის შემთხვევაში ან ვადის გადაცილების შემთხვევაში მხარეებს ეკისრებათ პირგასამტეხლო ყოველ ვადაგადაცილებულ დღეზე ჯამური ღირებულების 0, 02 % ოდენობით.

12.2. წინამდებარე ხელშეკრულება შეიძლება შეწყდეს:

ა) მხარეთა წერილობითი შეთანხმების საფუძველზე.

12.2.1. ხელშეკრულება ვადამდე ადრე შეიძლება შეწყდეს:

ა) იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

ა.ბ) პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

ა.გ.) მიმწოდებელი ვიდრე არ აანაზღაურებს პირგასამტეხლოს, შემსყიდველს უფლება აქვს დააკავოს აღნიშნული თანხა და პირდაპირ მიმართოს მუნიციპალიტეტის ბიუჯეტში.

ბ) შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას.

გ) მოქმედი კანონმდებლობით დადგენილ სხვა შემთხვევებში.

12.3. მიმოწოდებელი, ხელშეკრულების ცალმხრივად შეწყვეტის შემთხვევაში გადაიხდის ჯარიმას, ხელშეკრულებით გათვალისწინებული თანხის 20(ოცი)%-ის ოდენობით

### **მუხლი 13. ხელშეკრულების მოქმედების ვადა**

13.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2023 წლის 30 მაისის ჩათვლით.

### **მუხლი 14. ხელშეკრულების პირობების გადასინჯვის შესაძლებლობა**

14.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

### **მუხლი 15. დაუძლეველი ძალა (ფორს-მაჟორი)**

15.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

15.2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

### **მუხლი 16. დავები და მათი გადაწყვეტის წესი**

16.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

16.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

### **მუხლი 17. სხვა პირობები**

17.1. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. ხელშეკრულება შედგენილია ქართულ ენაზე, 02 (ორი) ეგზემპლიარად, რომელსაც აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მუხლი 18. მხარეთა იურიდიული მისამართები, რეკვიზიტები, ხელმოწერები

შემსყიდველი:

ზესტაფონის მუნიციპალიტეტის მერი  
მერი ვასილ გველესიანი



სახელმწიფო ხაზინა- TRESGE22  
ხაზინის ერთიანი ანგარიში 3001900000  
ს/კოდი: 230087045  
მის: ქ. ზესტაფონი, წერეთლის ქ. N11  
ტელ: 0(492) 25 26 26

მიმწოდებელი:

საქართველოს ინტელექტ-კლუბი „რა? სად? როდის?“  
გენერალური მდივანი: თემურ ყანჩაველი



სს „თიბისი ბანკი“  
ბანკის კოდი: TBCBGE22  
ა/ა N GE16TB7184236080100005  
ს/კოდი: 404436222  
მის: ქ. თბილისი, ქიქოძის ქ. N3.  
ტელ: 599504793  
ელ.ფოსტა: energy@cat

ზესტაფონის მუნიციპალიტეტის საჯარო სკოლების ჩემბიონატი  
 ინტელექტუალურ თამაშში „რა? სად? როდის?“ - 2023

	რაოდენობა	ლიტერატურა	ჯამი
შეკითხვები	24	40	960
ტურნირის წამყვანი (გიორგი მოსიძე)	1	1500	1500
პროექტის მენეჯერი	1	1210	1210
სათამაშო კიბური / ტექპერსონალი	2	500	1000
ჯამი			4670

ფასები მოცემულია ლარებში გადასახადების ჩათვლით  
 ტურნირის გასამართ სფერვებსა და ტექნიკურ აღჭურვილობას უზრუნველყოფს შემსყიდველი

ხელწერილი ინტერესთა კონფლიქტის არ არსებობის შესახებ

2023 წლის 20 აპრილი

ზესტაფონის მუნიციპალიტეტის მერი და ზესტაფონის მუნიციპალიტეტის მერის 2018 წლის 05 მარტის #43 259 ბრძანებით შექმნილი ინსპექტირების ჯგუფის წევრები ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის თანახმად არ ვიმყოფებით ინტერესთა კონფლიქტში საქართველოს ინტელექტ-კლუბი „რა? სად? როდის?“ გენერალური მდივანთან თემურ ყანჩაველთან 2023 წლის 22 აპრილს ზესტაფონის მუნიციპალიტეტში დაგეგმილი საჯარო სკოლების ჩემპიონატი ინტელექტუალურ თამაშში „რა? სად? როდის?“ – 2023 ჩატარების უზრუნველყოფის მომსახურების შესყიდვასთან დაკავშირებით.

ზესტაფონის მუნიციპალიტეტის მერი ვასილ გველესიანი



1. დავით ნიორაძე – (სამუშაო ჯგუფის ხელმძღვანელი)

2. ბორის ჭიჭინაძე – (სამუშაო ჯგუფის წევრი)

3. ალექსანდრე აბაშიძე – (სამუშაო ჯგუფის წევრი)

4. თემურ ფერაძე – (სამუშაო ჯგუფის წევრი)

5. ანდრო რობაქიძე (სამუშაო ჯგუფის წევრი)

6. ნინო ნიკაჭაძე (სამუშაო ჯგუფის წევრი)

7. მაია ხვედელიძე (სამუშაო ჯგუფის დროებითი წევრი)